

KOBLENZ

„Plattologie“

Mondartforscher - en Studierende,
hat em Saal der VHS
su em Häufje Interessierte
die Levidde mol geles.

Allerhand konnt mer do hie:
Rheinisch-Musselfränkisch Platt,
däht an Ausdrögg ärmer wiere,
wie mer se dereinst gehatt.

Ganz besonnensch däht inn gräme,
datt hei em Rhein-Musselland,
manijer sich demm Platt däht schäme,
dodorich bleef et unbekannt.

„Doht euch mol e Beispill holle
an Hesse, Bayern on Palz,
wie 'die' quassele on rolle“,
reef dä schlaue Mann, lauthals.

„Onser Moddersproch soll leewe“,
brellt en Schängel gleich zoreck,
mir wolle ihr Offtrieb geewe
hei an demm Rhein-Mussel-Eck!

Och datt Lißje doht sich melle:
Dankt demm Sprochforscher-Schenie
(Genie)
fier die scheene, kulturelle
Nohhelfen „Plattologie“.

Katharina Schaaf

27. 2. 85 Kath. Schaaf